

**PERKASA gusar terima serbuk pedih**  
**Malaysiakini.com**  
**May 26, 2011**

Pertubuhan Pribumi Perkasa Malaysia (PERKAAS) membuat laporan polis memohon penyiasatan tentang satu surat yang mengandungi serbuk berwarna oren yang diterima pagi ini.

Setiausaha Agungnya, Syed Hassan Syed Ali berkata surat dari Shah Alam itu ditujukan kepada Presiden PERKASA Datuk Ibrahim Ali di pejabat Perkasa di Jalan Pahang, di Kuala Lumpur, semalam.

"Bila dibuka surat tersebut kira-kira pukul 10.30 pagi tadi didapati terdapat serbuk berwarna oren yang tidak diketahui apa dan menyebabkan tangan berasa pedih bila terpegang," katanya kepada pemberita selepas membuat laporan polis di Ibu Pejabat Polis Daerah (IPD) Dang Wangi, di Kuala Lumpur kira-kira jam 3.30 petang.

"Mungkin orang yang pos surat ini tidak berpuas hati dengan perjuangan PERKASA dan mungkin ia dilakukan oleh mana-mana parti politik... jika ada sesiapa yang tidak berpuas hati bukan begini caranya," kata Syed Hassan.

- Bernama

Copyright © 1999-2007 Mkini Dotcom Sdn. Bhd  
<http://www.malaysiakini.com/news/165162>